


Iroun Beretitenti
Henry B. Eyring
Moani Kauntira n
te Moan Beretitentii



Ana Boki Moomon bwa te Kairi Nakoim

Ngaira ni kabane ti namakinna, inanon ara tai ae te kabanea n tamaroa, te nano ni kan okira mweengara ni maeka ma te Atua. E anganiira te bwaintangira Natina ae Tangiraki bwa ara Tia Kamaiu ni katauraoa te kawai ao n reireiniira bwa tina kanga n iria. E anganiira burabeti bwa a ana kaota te kawai. Te Burabeti Iotebwa Timiti e bon kairaki iroun te tamnei bwa e na rairii aia rekooti burabeti ae ngaia ana Boki Moomon. Boni ngaia kawaira ni koaua n okira mween-gara nakon te Atua.

E taku Iotebwa Timiti n taikan te boki ae kakaawaki arei, "I tuangiia taari bwa Ana Boki Moomon bon te boki ae te kabanea n eti mai buakon booki nako iaon te aonaaba, ao boni ngaia kiingin ara ekaretia, ao e na kaania riki te Atua te aomata ngkana e iri nanon reirei ake a taekinaki inanona, nakon taian boki riki tabeua."¹

Taian reirei n ana Boki Moomon bon ana tua te Atua aika ti kunei inanona. Tabeua bon tuua ake a kaineti mai iroun te Tia Kamaiu rinanon Ana burabeti n aron bwaai ake ti karaoi ao arora are tina kona n riki iai. Ana Boki Moomon e anganira ana banna ni katoto te Tia Kamaiu ni karikirakei ara onimaki ao ara kantaninga n ongeaba n Ana tua ao n Iria. Te boki e kanoaaki n ana reirei Kristo ibukin kairakira. Aio te katotoo man 2 Nibwaai:

"Ao e taku ana taeka nakoia natia aomata: Kam na irirai. Mangaia ae tarui aika kam tangiraki, ti na kan irira

Iesu ngkana ti aki tauraoi ni kaawakin ana tua te Tama?

"Ao e kangai te Tama: rairananom, rairananom, ao bwabetitoaki n aran Natiu ae Tangiraki" (2 Nibwaai 31:10–11).

Te boki e kamatataa bwa ti na riai ni karekea te Tamnei ae Raoiroi n te bwabetitoaki n te ai ni buokiira n tiku iaon te kawai ae eti man irariki. Ti reireinaki bwa ti na teimatoa n tatara n aran Kristo, ao n aki mamaara, ao ngkana ti karaoia, ti karekea te berita aio: "Ngaia ae kam waaki nako man teimatoa inanon Kristo, ma te kaantaninga ae tamaroa ma ni kororaoi, ma tangiran te Atua ma aomata ni kabane. Mangaia ae kam na waaki nako, ni kaawakin ana taeka Kristo, ao n teimatoa ni karokoa te toki, ao taraia, e kangai ana taeka te Tama: E na reke iroumi te maiu ae akea tokina" (2 Nibwaai 31:20).

Ana Boki Moomon e kamatataa inanon ana kabwar-abwara ae kamimi te Uea ae Beniamina tera ae nanon-aki ni karekean ana tangira te Atua ma aomata ni kabane. Ngkana a ibitaki aron rikira man mwaakan te mwakuri ni kamaiu ao rinanon ara kakaonimaki n te ongeaaba nakon taian tua, ti na kaonaki n ana tangira te Atua (taraa Motiaeae 4:1–12).

Ana Boki Moomon e bon anganiira naba te kakoaua bwa ti kona ni kaitiakaki n te maiu aei bwa a na akea riki te iango ni karaoakin te buakaka (taraa Motiaeae 5:2). Te kaantaninga aei e anganiira te ninikoria ao te

karaunano ngkai Tatan e kataia ni karirii ao ni kabwarai nanora inanon kawaira.

Ni katoa tai are I warekii tabeua taeka inanon ana Boki Moomon, I namakina au kakoaua bwa e kakorakoraaki bwa e bon koaua te boki, bwa Iesu bon te Kristo, bwa ti kona n iriia nakon mweengana, ao ti kona ni kairia ake ti tangiriia n okira mweengana ma ngaira. E a tia n reke irou te boki ae kakaawaki. Bon ana taeka te Atua.

I tataro bwa ngaira ao ni kabane te koraki ake ti tangiriia a na momooi ni katoa bong mai iai. I kakoaua n aran Iesu Kristo are bon te tia kairi ae koaua.

BWAII AIKA A NA TARAARI

1. *Aia Reirei Beretitenti n te Ekaretia: Iotebwa Timiti* (2007), 64

ANGA REIREI MAN TE RONGORONGO AEI

Ngkana ti kaboonganai taian koroboki aika a tabu ao aia taeka burabeti ni boong aika kaitira bwa te tabo are ti karekei oin ara reirei ni kabane mai iai, ti kaoa te Tamnei n riki bwa te tia kakoaua. Aio e uotia nakon ara reirei mwaakan te Atua nakon anaakin nanoia aomata (taraa D&C 11:21) (*Teaching, No Greater Call* [1999], 51). langoa warekan ana rongorongo Beretitenti Eyring ake a katekenano, ni ikotaki ma ana kabwarabwara lotebwa Timiti ibukin taikan ana Boki Moomon. Kaoia kaain te utu bwa a na tibwaia bwa e kangaa maiuakinan taian reirei ake a kuneaki n ana Boki Moomon ni buokia ni kaania riki nakon te Atua.

“Ngkana taan kan reirei a maroroakinii taian reirei man koroboki aika a tabu, a karikirakea aia konabwai are a kainnanoia ibukin oin aia kamatebwai iaon koroboki aika a tabu” (*Teaching, No Greater Call*, 54). langoa warekan koroboki aika a tabu are a kaineti nakon te rongorongo ao ni kakaea ao ni maroroakin taian reirei aike a reiakinii.

RORONRIKIRAKE

Oin au Boki ae ana Boki Moomon

Iroun Hillary Holbrook

NAOKATI 2005, ngke Beretitenti Gordon B. Hinckley (1910–2008) e anga te kakaewenako nakoia kaain te Ekaretia ni wareka ana Boki Moomon imwaain banen te ririki, I berita ibon irou bwa N na kataia ni

warekia ni kabane kanoan te boki. I tataneiai ma taian karaki n ana Boki Moomon ma I bon tuai ni warekia mai moana ni karokoa ae bane. Ngkai I a bon riai ni kaawakina au berita.

I a tia n reireinaki bwa n na kamwakurii koroboki aika a tabu nakon maiu ao ni karaoria bwa bon oin au bwai. Ngaia are ngke I wareware, I koroboki ni mataniwiin te iteraniba are I taku bwa oin te kaantaninga n te rongorongo. I kanikinaai naba n rainii aan taian taeka aika a okioki ao kibuntaeka are a kaota te bwai ae kakaawaki.

I katuka arau irarikin aara inanon koroboki aika a tabu ni buokai n uringnga bwa ana taeka te Atua are a taekinaki nakoia aomata tabeman e kona naba n riki bwa te taeka ae taekinaki nakoio. N aron te katotoo, inanon 2 Nibawai 2:28 I korea arau: “Ao ngkai, [Hillary], I tangiria bwa kam na onimakina te Tia Tei ae korakora, ao n ongeaba nakon ana tua aika a korakora.” Kakorakoraan karaoon ana Boki Moomon bwa te bwai ae onoti kakaawakina nakoio, e a karakaaki riki kukureiu ni wawarekana ni katoa bong.

Ngke I wareware ni katoa bong, au tataro a riki bwa namakin n te nano are a nanonaki ni koaua ao a onoti nakoio. I a bon kona ni kabanea au tai iaon au kiraati nako ao n irii ana namakin te Tamnei ni iraorao ma ake a kainnanoia te ibuobuoki. Inanon te kabanea n tairiki n te ririki, e a bane Irou ana Boki Moomon.

I moanna ngkanne n oota bwa warekakin ana Boki Moomon ae bwanin, ni ikotaki ma tabeua koroboki aika a tabu, ao n tangiria ni kamwaita riki warekakina inanon maiu.

ATAEI

Te Kairi ni Buokira n Okira Mweengara

Ana tera am namakin ngke arona bwa ko bua ao Ako aki ataa te kawai n okira mweengam nakon am utu? Ko kona ni kukurei ngkana arona bwa ko ira temanna ae kona ni kaota te kawai? E taku Beretitenti Eyring bwa ana Boki Moomon bon ti tebo ma te kairi are e na buokira ni kaokira nakon mweengara iroun Tamara are i Karawa.

Mai inano bon bwaai are e tuangiira ana Boki Moomon bwa ti kainnanoia ni karoia bwa ti aonga n okira mweengara. Wareka 2 Nibwaai 31:10–11,20. Iaan taian kibuntaeka mai inano, korea te kibu ae eti man ana Boki Moomon. Kona kainnanoa kaboonganan

teuana mai ibuakon taian kibu uatai te tai.
Rairananom ao babetitoakii
Karekeea te kaantaninga ae tamaroa
Tangira te Atua ao aomata nako.
Irira lesu.



Onimaki • Utu • Buokaki

Katabeara n Nabea te Roro ae Rikirake

*Kamatebuia te karaki aio ao, n ae e angaraoi, maroroakinna ma taian tiitita ake ko kawariia.
Kabonganai titiraki ni buokiko ni kakorakoraia am tiitita ao ni karaoa te Bootaki n Aine bwa
iteran maium ae kakammwakuri.*

Man Koroboki aika Tabu: Taikan Rabakau 22:6; Iebeto 6:4; Enoti 1:1; Aramwa 53:20–21; 56:47; 57:27

Nakean nabeakinaia, ara roro n rikirake e kona ni karika te kabuanibwai n riki n ai aron are e kabwarabwaraaki inanon Motiaeae 26. Angin mwaitiia te roronrikirake aki kakoauai aia katei aia karo ao a riki bwa aomata aika kaokoro n aron aia onimaki, ao a teimatoa n aroia anne n aki toki. Ara roro n rikirake a kona naba ni kairaki nako ngkana aki oota n tabeia n ana babaaire Tamara are i Karawa.

Ngaia are terana te bwai ae e na kaawakina te roro ae rikirake ni kamanoa? N te Ekaretia, ti reiakin reirei ibukin kamaiuara, ao reirei akanne bon reirei ibukin te utu, taian reirei aike a na kona ni buokiia te roro ae rikirake ni katea aia utu, n reireia te utu anne, ao ni katauraoa te utu anne ibukin taian otenanti ao berita—ao ngkanne te roro are imwiina e na reireina are imwiina ao are imwiina.

Ngkai ngaira kaaro, taan kairiri, ao kaain te Ekaretia, ti katauraoa te roro aei ibukin ana kakabwaia Aberaam, ibukin te tembora. Iai katabeakira ni kaotaira raoi iaon botoniango n taian reirei aika a kuneaki inanon te Katanoata iaon te utu. Te nakoantina ao te nakoani-karo bon mwakuri ao katabeaki aika akea tokia. Ngaira n tatabe-maniira nako ti uota te katabeaki

ibukin te mwaane ke te aine iteran te babaaire.

Ti kona n reiakin te tua aei n taabo nako. Ti na riai n taekina te karinerine ibukin te mare ao te utu. Ao man ara banna ni katotoo, te roro ae rikirake e kona ni karekea te kaantaninga ae korakora ao te atatai—tiaki tii man taeka are ti taekinii ma man te kawai are ti namakinna ao are e a roko mai iai tamnein te utu.

Julie B. Beck, te Beretitenti ni Kabuta n Aia Bootaki Aine

Man Ara Rongorongo ni Kawai

N te maroro ma tiitita n te Bootaki n Aine ni kabuta n Tebetembwa 23, 1995, e taku Beretitenti Gordon B. Hinckley: “Te aonaaba ae ti mena ngkai iai bon te aonaaba ae manggaongao, n ibibitakin taian reirei. Bwanaa aika beroro aika a teimatoa kateakiia ni kairira bwa ti na karaoi bwaai aika a mwaiti aike a kamwanreira ni kataakin katei aika raoiroi.”¹ Beretitenti Hinckley e a moana ngkanne ni kabwarabwara nakoia tiitita, te Ekaretia, ao aomata aika a kakaawaki n taabo nako “Te Utu: Te Katanoata nakon te Aonaaba.”

N ririki ake imwiina te taetae ni burabeti iaon te taokumente aei e a tia n rairaki nakon taian taetae aika a mwaiti ao n tibwatibwaaki nakoia taan kairiri n te aonaaba. E titirakinia aomata ao taan kairiri n te tautaeka “bwa a na karikirakei

itera aikai ake a karaoaki bwa a na kateimatoai ao ni kakorakora te utu bwa ngaia aan te botanaomata.”²

Te katanoata e a tia n riki bwa aan taian koaua ni boong aika kaitira ibukin te utu, te reirei are ti kona n taua ni kamatoa ao ataakin anne man maiuakinan taian reirei, ti kakorakoraa ara utu ao mweengara.

BWAII AIKA A NA TARAAKI

1. Gordon B. Hinckley, “Stand Strong against the Wiles of the World,” *Ensign*, Nobembwa 1995, 99.
2. Taraa “Te Utu: Te Katanoata nakon te Aonaaba,” *Riaona*, Okitobwa 2004, 49.

Tera ae I Kona ni Karaopia?

1. N na kanga ni buokiia taariu ni kaboongana “Te Utu: Te Katanoata nakon te Aonaaba” n nabea te roro ae rikirake?
Ko kona ni iangoa tibwauan katooton te katanoata ao ni buokiia tarim ni kinaa ao ni mwaakeni taian karaki ake a na reiakin ma te kabanea n tamaroa ni kingin taian tua.

2. N Na Kanga N Nabea Te Roro Ae Rikirake? Ko kona n iangoa rokom irouia kaain am uoote, mwaanga, utu, ke te kaawa are e kona n reke kabwaiana man am anganano ao am tangira.

Ibukin rongorongona riki, nakon www.relfiefsociety.lds.org.